

## Universitätsbibliothek Paderborn

**D. Ioannis Ivsti Lanspergii Carthviani, Natione Bavari,  
Opvscvla Spiritvalia**

ab ipso Autore partim Latinè, partim Germanicè euulgata

Orationibvs Variis, Et Ignitis aspirationum iaculis ad Deum, Deiparam  
Virginem Mariam, cæterosq[ue] Sanctos - exercitijs item diuersis, tum  
maximè Paßionis Dominicæ, eiusq[ue] matris, refertißimus

**Landsberg, Johannes Justus**

**Coloniae Agrippinae, 1630**

Effusio cordis efficacissima ad sanctissimam Trinitatem. Dei beneficia,  
hominumq[ue] ingratitudinem summatim perstringens.

[urn:nbn:de:hbz:466:1-45928](https://nbn-resolving.de/urn:nbn:de:hbz:466:1-45928)

# PHARETRÆ DIVINI AMORIS

## Libri Primi Pars II.

Complectens in se effusiones cordis ad Deum , gratias agentis pro beneficijs ab eodem acceptis, seseque ad sui humilationem excentis, & veniam peccatorum potentis.

*Effusio cordis efficacissima ad sanctissimam Trinitatem, Dei beneficia hominumq[ue] ingratitudinem summam perstringens.*

Ad Patrem coelestem.

Gloriosissime , potentissime ac superdulcissime Domine Deus meus , quam magna & incomprehensibilia sunt super nos beneficia tua, super me vero peccatore vilissimo , ac omni beneficio tuo prorsus indigno, tanto maiora, quo tu melior maioris es, ego vero vilior , peior atq[ue] indignior sum. Cogitatur usitate de tuis in me collatis beneficijs, a quo exordiar Deus meus, reschio: omnia enim tua sunt , ideo cuncta magna. Quicquid sum, quicquid habeo tuum est, praeter malitias & peccata mea quæ sola mihi propria sunt. Plura autem alia sunt tua dona, quæ non habeo, quæ neglexi, quæ perdi, quæ accipere recusaui ( imo tue beneficentia obstitit ) pro quibus perinde debitor sum, pro quibus gratias agere simul ac veniam à te petere teneor, propterea, quod non aptius me ad beneplacitum tuum. Sit tibi laus & gloria piissime Pater, & propter te met ipsum mihi quæso ignoscas, ac deuso tua bonitate supplex, quicquid à me negligetum est. O Deus misericordissime , quid retribuam tibi pro omnibus quæ tu tribuisti & retribuisti mihi ? O sapientia quæ aperis os mutorum da mihi vocem laudis, ut euarrem omnia beneficia tua , quæ mihi Domine à principio contulisti. Ecce enim tuus sum, qui creasti me. Quod autem me creares, & in numero creaturarum tuarum numerares, ab æterno tu præordinasti, antequam quicquam faceres à principio. Antequam extenderes ccelos , antequam cuncta faceres, quæ fecisti , me tuam creaturam fore præuidisti & voluisti. Et unde hoc benignissime Deus altissime, potentissime creator, pater misericordissime atq[ue] mitissime, aut quæ mea merita, vt placaret tibi præordinare me & creare? Non aliter profectò quam gratis , quia tue bonitati sic placuit, fecisti, vt vel inde diligas te, quia prior diligens præuenisti me.

Cum itaq[ue] non essem, fecisti me, non lapidem , non bestiam, sed creaturam rationalem, ad imaginem & similitudinem tuam, diuinitatis tuae partipem, felicitatis capacem. Vbi & hoc beneficij tui est, quod accepi corpus perfectum, & ( nealjs , inter monstruosa despectui, & mihi sim oneri ) membrorum integratatem , sanitatem, sensuumq[ue] perspicacitatem, quæ sicut dedisti, ita conservas, & conuenientia illis obiecta ad utilitatem & recreationem varia donas. Antequam autem dares mihi esse, ne infelicitate essem, reconciliasti tibi naturam humanam, faciens pacem per sanguinem & mortem unigeniti Filii tui. Pro quo tibi Pater æternas gratias ago , qui misisti unigenitum Filium tuum in mundum incarnari, inter homines conuersari, prædicare, pati, crucifigi, & mori pro me. Amen.

c Ad

PHARETRAE DIVINI AMORIS

Ad Iesum Christum.

Ms. 53. v. 5. **O** Domine Iesu Christe creator, amator & redemptor mens charissime, esse indignissimus ego, vilissimusque peccator, qui tuam bonitatem prorsus infinitam toties tamquam enormiter in offendendi, adsto hic ante conspectum immensum pietatis cum omnibus malis & peccatis meis. Sed o suauissime redemptor quid dicam? O fili Dei, o fili hominis, o agne mansuetissime atque misericorde, te laudo, te adoro, te benedico, tibique gratias ago pro ineffabili charitate tua, qua propter me dignatus es tam ineffabilia operari, tamquam indigna perpeti: O dulcissime Iesu, quoties pro me itineribus es fatigatus, quoties in oratione pernoctasti, quoties praedicando es lassatus, quanta ex charitate pro me captus, ligatus, cæsus, confitus, flagellatus, coronatus, crucifixus. Tu enim vulneratus es propter iniquitates nostras, atritus es proprie sceleris nostra. Disciplina pacis nostra super te, & tuo labore sanatus sumus. Quem non rapieras exoluisti, quem nos debuimus, & soluere nequiuimus, tu nobis donasti, tu probnobis satisfecisti. In mortem dedisti animam tuam, & cum sceleratis reputaris es, ut sceleratos à morte redimeres: Factus es sicut non habens speciem neque decorem, velut leprosus, humiliatus ac percusus à Deo, dum pro impijs ad mortem sicut ouis ad occisionem, ductus es, ut impios ac aeternam morti obnoxios, beatos faceres atque gloriose.

Quid ultra? Peccatis meis, irritamentis bonitatis tuz, cum neendum esset, antidotum de corpore & sanguine tuo fecisti, ut te faciente prodirem in esse, nihilque deforet, quod ad beatum esse perduceret; Cum scires quod me destructurus essem, ex te preparatum est, quo reformarer.

Inde o Deus meus, misericordia mea, inde relucet pietas & ineffabilis bonitas tua: quandoquidem cum praescires omnes aequitias meas, omnia sceleris mea, omnes abominationes meas, quibus te eram contemptus, & hodie contemno, nihil tamquam horum omnium intermisisti, nec clausisti viscera pietatis tuz erga me. Tantum enim hoc ipsum absuit à bonitate tua, ut etiam usque modo ingratissimo, duro atque indigno non cesses pro malis bona retribuere.

Porrò pro parentibus meis, & pro parentum cura & labore, eruditio ac sollicitudine, quas possum tibi Domine gratias agere? quandoquidem quicquid circa me factum, quicquid mihi impensum, tua prouidentia & te disponente, actum est. Tu sunt omnia Deus meus. Et quod sex parentibus suis, non ethnici, non Iudeis, non ante, aut sub lege, sed coruscante iam Euangeliō, & in tempore gratiae natus sum, quod ad fidem instructus sum, quod baptismum & tuz passionis fructum mihi præbuisti, quod membrum corporis tui, ac filium nouare generatione me fecisti, quod denique vilissimum stercore nobilissimum familiæ tuz principem angelum beatum in custodem, & quod cum verecundia dicere deberem, nisi & te ipsum pro me seruum fecisses) in ministrum mihi dedisti, cunctaque tandem creaturas in vium, solatium, ministerium, exercitium ordinasti.

Domine Deus meus redemptor meus, quanta pro his laude dignus es, quanto honore venerandus, quanto amore amplectendus, maximè autem pro gratuita hac tua benevolentia, clementia & charitate, quem sola ut habet faceres, te induxit Deus aeterno, Deus metuende, colende, Deus iustissime sed benignissime: quomodo nō merito confundor & erubeo, cum pro tua longanimitate gratias agere volo, qua me tanto tempore blasphemantem & frontole peccantem sustinuisti, nihilominus benefaciens



nefaciens mihi pascensq; me, & cætera vita necessaria, imd super necessaria mihi tribuens, conseruans à periculis, à morte, à grauioribus peccatis liberans atq; præseruans, nec diabolo (sicut iustum fuerat) potestatem in me permittens, damnationis sententiam (quam non minus enormiter, quam multipliciter merui) suspensus, & cùm interim consplices meliores me in peccatis morerentur æterna morte perituri, in vita ad penitentiam me sustentans.

Heu piissime redemptor, quam diu expectasti me, & non veni. Tu clamabas, & ego audire nollebam. Inuitabas, & renuebam. Mandabas, & contradicebam. Trahebas, & repugnabam. Terrebas, nec curabam. Sequebaris, & fugiebam. Blandiebaris & contemnebam. Benefaciebas, & ego pro bonis mala rependebam. Vicit tamen vel sero tua bonitas meam malitiam, nec in profundum obstinationis me penitus abire permisisti. Dirupisti vincula prauæ consuetudinis, & peccandi iugum (quod mihi vt necessitatem ipse imposueram) soluisti. Vocasti, & vt audirem, aures mihi aperuisti. Immutasti salubriter cor meum, & voluntatem dediti ad te reuertendi. Extraxisti me de profundis peccatorum, & adhuc pristinis peccatis forcidum, misericordissime suscepisti: nihil memor iniuriarum & iniquitatum meorum grandium.

Post tanta itaque facinora mea ad vitam penitentiaz, ad gratiam tuam, ad illuminationem hanc perduxisti, recedente m<sup>q</sup> releeuasti. Quoties enim recidi, quoties deliqui, toties vt veniam peterem, veniam sperarem, excitasti, petentiq; misericordissime nihil improperans dimisisti. Deus meus quid dicam? Quid prædicem de tua bonitate, nulla nostra malitia superabili.

Maior est enim omni iniquitate nostra, ideo vincit & concludit nos.

Benedictio igitur & claritas & gratiarum actio, laus, honor & magnificientia sit tibi & ab uniuersitate omnium creaturarum tuarum pro me, quod sacris literis imbuisti me, quod ad Christianismum, quod ad statum sacerdotalem, ad hunc ordinem, ad statum animæ & corpori tutissimum, saluberrimum, atq; vt vsque quaque nihil deficit mihi) sufficientissimum vocasti me. Ad congregationem item hanc sanctam & tibi placentem, vbi instrui me faceres simul ipse inspirans ad beneplacitum tuum perficiendum, & ad virtutum profectum, immutansq; duriciā & prauitatem voluntatis meæ, vt placeant nunc, quæ ante displiceant, & quæ ante male placuerant, nunc salubriter displiceant. Et quamvis (proh dolor) acedia ad bonum, pronitas ad malum, & peccandi libido ex praua consuetudine ita mihi adhærent, vt continuè vix modo contra tuam voluntatem agens, benignitatem & mansuetudinem tuam irriterem, præbes tamen & spem salutis, ob tuam ineffabilem clemētiam. Et cùm nihil boni, nihilq; puri inuenias in me coronandum, largiris mihi tua merita; promittis, & expectare me facis cum sanctis tuis Domine Deus meus æterna felicitatis consortia.

Pro his omnibus & innumeris alijs tuis beneficijs mihi incognitis, iando, benedico, adoro te & gratias ago tibi clementissime Iesu, piissime & dulcissime Domine Deus meus: & singulariter pro charitate tua immensa atq; dignatione, qua me didicisti & diligis, qua fecisti & facis quicquid facis. Quæ vtq; quanto est maior, tanto ingratitudo mea est grauior, prauitas mea inexcusabilior, & negligentia deterior. Veruntamen benignissime salvator, quia non congruit, sed derogat bonitati cuæ, de misericordia tua desperare, quæ in infinitum maior est iniquitate humana: & quia tu solius sum, plasma tuum, nusquam nisi ad te habens refugium, à nemine alio

62 principi-

PHARETRAE DIVINI AMORIS

principaliter, nisi à te expectans auxilium, non preiicies me, non derelinques me in finem. Quamuis ita; ò Deus sanctissime, ô salvator piissime tam grauiter, tamq; enormiter peccauerim, vt omnium creaturarum vsu atq; obsequijs sim indignus, imò hoc millies promeruerim, vt creaturæ omnes aduersum me insurgent, & creatoris sui in me vliciscantur iniuriam, non tamen despero, nec desperabo, sed in pietate tua & miseratione infinita respiro. In benignitatis ergo tua abyssum me proiecio, in profunda vulnerum tuorum me immergo, & ab ira tua abscondo, obsecras per eadem & per omnia quæ egisti, ac passus es pro nobis, dulcedinem cordis tui, vt veniam & salutem merear consequi, & vt ne ad momentum quidem à te valeam separari. Sanctissime, immense, præpotens, adorande, metuende, bone, dulcissime, misericordissime Deus, rōgo te per charitatem tuam omnem, per cor tuum amorem, dulcissimum & benignissimum, per h; matrem tuam purissimam ac tibi acceptissimam, & per omnes qui tibi ab æterno placuerunt, & vsque in æternum placebunt, vt misericordiam tuam mecum facias & pericias magnam ac sempiternam. Auter nunc à me quæ tibi displicant, & da quod placet. Tene, dirige, polside me ra solus in æternum. Non aliter nec aliud me velle sinas, quam vt extincto, omnium malorum causa, priuato ac adulterino amore, deinceps castissimo, feruentissimo atq; fidelissimo amore, te diligam, ac cuncta quæ extra te sunt fastidiens, tibi fideliter & inauertibiliter inhæream: honorem quoq; tuum, atque dulcissimi cordis tui beneplacitum ardētissime sritiam, fidelissime infatigabilitatē intendam, quæram, promoueam periclitam. Omnes item vires tam animæ, quam corporis mei, omne quod in me est, totumq; tempus ad vitæ meæ correctionem mihi indulsum, quam utilissime & fructuofissime expendam. O Deus meus & creator meus, O Deus meus redemptor meus, O Deus meus salvator meus exaudi me, & intende voci deprecationis meæ. Adiutor meus es, ne derelinquas me, neq; despicias me Deus salutaris meus. Exaudi me pauperulum famulum tuum manibus tuis plasmatum, Deus meus misericordia mea. Amen.

*Ad Spiritum sanctum.*

**O** Benignissime, suauissime atq; dulcissime Spiritus sancte Deus, Patris Filiq; amor ac nexus: ecce ad tuam clementiam humiliter accedo, totus ob mortuorum peccatorum grauitatem, vilitatemq; ac reliquarum miseriuarum mearum recordationem deiectus ac desperatus, nullam inueniens in meis nec requiem, nec pacem, nec consolationem: obsecrans te per tuam ineffabilem dulcedinem, pietatem ac bonitatem, vt cœlesti tua consolacione animam meam miseram & desolatam visitare recreare, crassissimastq; mearū cœxitatis & ignoracionis tenebras quibus tanto tempore iacuit inuoluta, splendidissimo diuinissimoq; lumine tuo procul ab ea abigere, & viam veritatis clare edocere digneris. Tu enim verus es consolator afflictorum, desperatorumq; dulce refrigerium, ac peccatorum plena remissio. Ad te aspiro, ad te anhelo, in te solo quiescere concupisco. Tu pie Domine Deus meus, utinam afflictionibus meis digneris imponere finem, pusillanimitati mea addere spem & fiduciam, peccataq; mea immania misericordissima tua delere pietate, gratiaq; tua omnia mea interiora, animam, cor & sensus omnes perfundere ac perlungare, locumq; tibi ipsi in interiori anima meæ fundo dignum præparare, atque donis tuis alijstq; virtutibus me exornare, & omnes fôrtes meas ardore flagrantissimæ charitatis tuaæ expurgare, talesq; me facere, in quo sine ylo impedimentoo præclarum



clarum tuum possis, ( quando ac quotiescumq; id tibi placeret ) opus peragere. Et nō tantum bonum ob meam indignitatem, vilitatem & ineptitudinem, ob summa p̄eclaris imaq; ciuium coelestium suauitas ac dulcedo præpediatur, noli quælo petitiones pauperculi seruuli tui diutius protrahere, sed vel iam tandem satisfac desiderio meo. Et effundo secreta cordis mei in conspectu tuo ob altissime Deus, confiteor tibi, quod quoisque hac tua diuina gratia, consolatione, præsentiaq; destitutus fuero, nunquam mentis meæ tenebras excutere potero, neque vias meas, neque meipsum, neque quæ intra me latent lucide perspicere vel cognoscere, neque, quod maximum est, peccati fœditatem, neque virtutum decorem & nobilitatem, neque animarum rationalium pulchritudinem & dignitatem, neque seculi præsentis fluibilitatem, neque potentiam, sapientiam ac bonitatem tuam, neque gloriæ tuæ perpetuitatem sufficio intelligere. Veni igitur ob alme Spiritus, & habitationem tibi perpetuam in me construe, omniaq; quæ mihi ad salutem necessaria sunt misericorditer concedere dignare, meq; totum tibi tene astrictum vinculis illius indis- solubilis amoris, quibus omnium electorum tibi corda alligata & vnitæ tenes, ut hic in gratia & postea in æternitate tecum sine fine permaneam, Amen.

*Effusio seu meditatio cordis alia, gratias agentis pro beneficijs Dei generaliter, haud incongrue post Eucharistia sumptionem exercenda. Et certè nullus deberet vivere Christianus, qui hoc aut simil modo quotidie Deus non gratas ageret.*

**O**nnipotens semperne Deus, vita mea, omne bonum meum, & vniuersa felicitas mea tu es. Ego autem terræ puluis, & miser vermiculus terræ, ante faciem tuam sto, te laudare, tibique gratias agere gestiens. At quia hoc digne non possum, nec quod tibi offeram habeo, offero tibi omnium sanctorum angelorum hominumq; virtutes ac merita: immo & CHRISTI IESV filij tui laudem & amorem ( quibus te colit & amat ) pro omnibus misericordijs, donis, & beneficijs mihi ingratissimo à te Domine Deus meus vñquam collatis. Tibi enim constiteram antissime pater, tibi gratias ago, tēq; adoro & laudo, quia tu me ex immensa charitate, & gratuita bonitate tua creasti ad imaginem & similitudinem tui. Tu varias propter me creaturas in usum & ministerium creasti, tu me ab exordio vita meæ usque ad hanc horam in corpore & anima pauiisti & fouisti: tu me ab innumeris periculis animæ & corporis atque malis aut præseruasti, aut eripuisti: tu in peccatis grauissimis me putidum, aberrantem, tibi contumeliosum, & mundo scandalosum, tot annis longanimiter tolerasti, nec, quod millies atque millies commerueram, in sceleribus meis me damnasti ( heu quot interea, qui minus te offenderunt quam ego, ad inferna descenderunt sed ad salutis viam, licet surdū, varijs instinctibus atque modis admonuisti, & reducere fugientem ac renirem voluisti, donec tandem potenti virtute malitiam meam tua benignitate superans, & cuncta circa me ordinans, ad hunc salutiferum viuendi statum me conueristi: non desinens præterea huc usque benefacere mihi, qui tibi in omnibus ingratus, inutilis acque infidelis sum.

*Hic possent cogitari singulare beneficia tibi collata, & pro illis gratiae agi. Cæterum, ut tecum in perpetua gaudeam felicitate, nullaq; peccata quamlibet grandia, me quæcant à te separare, filium tuum præmisisti in mundum, quem etiam in dolores, penas, ignominias, ad crucem, & mortem propter me exposuisti.*